

CARNAVAL A KEDA GRANDI Y LUHOSO



ORANJESTAD(AAN): Ora cu hopi hende a kere cu e carnaval di e aña lo ta chiquito y menos luhoso cu den añanan anterior, a bin resulta cu e no a cay mucho compara cu aña pasa cu tabata un aña di lustro, y cu el a keda grandi y luhoso.

Si tene afo e 3 gruponan di Marching Band di Venezuela cu a cay diripiente den parada, a participa na Playa 2493 hende den parada (di Venezuela tabata un grupo di 190, un di 90 y un di 120 hende y lo a haci e total 2893)

Un total di 22 grupo di Aruba a participa locual ta un menos cu aña pasa. E total di participantenan menos cu aña pasa tabata mas o menos 900 pero no mester lubida cu aña pasa tabata celebracion di un lustro mas di carnaval y cu den lustro nan carnaval ta hopi mas grandi cu otro añanan entre lustro nan.

Aruba a goza di un parada grandi, luhoso y yen di ambiente musical.

Tabata tin no menos cu 5 brassband di Aruba, un mas cu aña pasa, 13 banda musical, cu ta 2 menos cu aña pasa, y 8 sound systems cu ta 3 menos cu aña pasa.

Den e parada di e aña aki, e publico por a goza di roadpiece nan esplendido atrobe di entre otro United Carnival Group cu su Legends and Sagas of the World, tambe di grupo di Coastal cu su Sweet dreams and Nightmares, Savaneta cu Limited Sky, Hospi Jollies, y un di Polar Bears.

Tabata tin algun carosa sumamente bunita e aña aki, entre otro e gigante di Coastal cu su reinanan, e pesadilla di un soño, cu a hala masha atencion tur caminda.

Tambe e barco di Pirata di Pueblo cu Monica Nucete Bruin riba dje a impacta den e parada, e carosa di mundo y e 2 ovnanan di Limited Sky, Iselle cu su Carosa, Mariniernan cu nan mobile di Flintstones y doble carosa di Bedrock, mientras tabata tin varios di gruponan comico, pero cu e aña aki no a impacta. Ta e carosa di Tiki Loco so tabata logra harimento di parti di publico, pero no manera sa custumbra di e grupo aki.

Den roadpiece no tin nada di keha pa locual ta luho y

bunitesa e aña aki ya cu tabata tin 46 roadpiece y di United Carnival Group, Sweet dreams, esun di Hospi Jollies, e tent borda na man di Hooiberg Arowaks y esnan di Limited Sky a sobresali den e parada.

Encuanto musica por bisa cu hasta tabata tin dos grupo cu a toca sin grupo cualnan tabata Invaders Steelband cu a participa na final prome cu Los Pimentosos cu a bira e banda di Last Lapp gosando un mundo cu nan publico bailando riba nan ritmo.

Cada un di e 13 bandanan musical a haci nan maximo esfuerzo y den e parada aki tabata e roadmarch di Mighty Talent, Saca bo Cultura cu a domina riba e Saca Boem. E otro cu a

domina tambe tabata roadmarch di Tattoo cu Quassi y Quasi coming down..

E aña aki atrobe United Carnival Group a causa pa sensacion cu nan transmisoran riba onda corta di Sr. Jerry Francis, caminda tabata tin 3 transmisor na varios parti di e grupo transmitiendo e zonido musical di Eclipse.

Aruba a goza di un bon carnaval, un carnaval hopi ordena, aunke tabata tin lugarnan caminda toch publico no a respecta baricada, principalmente bishitantenan latinocu no por a keda tras di e baricadanan.

Di publico local si mester kita sombre pa nan comportacion y na cuerpo policial, pa e pasenshi cu nan tabata tin den dirigi e parada ordena.